

未 412

5

喉痧至論



南京中医药大学图书馆版权所有

喉痧至論

目錄

摘錄葉天士先生醫案

喉痧不可用寒涼藥用則

變成不治之症說

煎劑

荆防葛根湯

痧疹初起及逡巡不出者
用之已出者宜去葛根用

升麻葛根湯

痧疹不得出或已出而復隱者用之

託裏舉斑湯

透邪劑

體質單弱不能
透達者用之

藿香正氣散

吐瀉用之

吹藥能見效每次須吹十餘管日夜連吹數十次方

土牛膝汁末去痰用之

元硃丹始終可用尋常喉症亦可用

吹鼻一字散取嚏吐痰

治喉四要法

提炮以洩毒附異功散

嗽喉以去痰辛烏散摩風膏俱可用

刮後頸以散毒

通大便以洩火

預避喉痧法

尋常喉症治法

荆防敗毒散治時疫喉症一切尋常喉症亦可用



清咽散 治尋常喉症

西字散 一切腐爛喉

辛烏散 漱口去毒涎

摩風膏 沖入辛烏散中以去毒涎

喉痧之白腐不可認作白喉說

服犀羚等品而斃者略舉數則爲徵



喉痧至論

摘錄葉天士先生醫案

雍正癸丑年間以來有爛喉痧一症發於冬春之際不分老幼遍相傳染發則壯熱煩渴斑密肌紅宛如錦紋咽喉疼痛腫爛一團火熱內熾醫家見其火熱甚也投以犀_△羚_△苓_△連_△梔_△膏_△之類輒至隱伏昏閉或喉爛廢食延挨不治或便瀉內陷轉眼凶危醫者束手病家委之於命孰知初起之時頻進解肌散表溫毒外達多有生者內經所謂微者逆之甚者從之火熱

丹痧輯要
云服犀羚
等品外益
閉而內火
益熾清火
適以動火
祖鴻範之
說亦然



之甚寒涼強過多致不救良可慨也

爛喉痧不可用寒涼藥用則變成不治之症

爛喉痧至危之症也重者不能過三四日若治能

法愈不移時倘治失其宜則禍生反掌初起宜服發

表透邪之劑汗暢則毒邪外達如用寒涼清解有如

操刀殺人

說見喉痧輯要

誤投犀角羚羊角黃芩黃連山梔

石膏金汁珠粉等品輒至昏閉內陷喉爛廢食

說見葉天

土醫案

生冷如水梨荸薺之類亦不可食最忌蔗汁食

必加重過食水菓即使喉症能愈必生喉外痰癰俗

痧袋食水
稟所致

若服犀羚等味不獨生痰癰且必患流注

腸癰等症推其故皆由早服寒涼凝滯毒痰所致

常痧疹尙忌涼藥

語載聶九吾痧症論四大忌

而況時疫之爛喉

痧乎蕪湖顧練江云壬午年溫疹盛行傳染死者盈

萬予以宣毒發表湯加觀音柳治之竟無死者蓋此

次痧症乃時行溫症外寒收束初見只宜宣毒發表

不可驟用寒涼無如咸執痧喜清涼之說致成痧閉

而亡或稍延時日傳爲喉疳喪命者亦多醫者不知

用寒涼之誤病家只知是症本凶安知爲庸醫寒藥

所害深可悲也

溫症與爛喉痧相
同以上俱顧說

近年來爛喉痧之

症大盛醫家雖用寒涼死者不知凡幾予以表散為

主復用外治法以去其毒無一失者若已用犀角等

品則棘手矣敢將一得敬告四方照法治之不獨患

者幸甚醫士亦造福無窮矣

爛喉痧症起於雍正癸丑年以前方書僅載喉

症無喉痧治法後出之書雖閒有道及者亦略

而不詳余遍考羣書參以平日治喉痧有效之

方附於前箸治喉捷訣之下茲則限於篇幅刪

而又刪僅集諸名家說以破羣疑俾知並非珍
奇炫異藉以堅病家之信耳 案喉科以吾邑

尤氏爲最秘不肯傳尤氏無人其法幾失幸同

邑沈君金鼈以重價向其婿購出鈔本附刊尊

生集中程瘦樵所箸喉科經驗秘傳亦附載尤

氏諸法

無尊生
集之詳

尤氏存隱云凡喉症不可喫寒

涼之物又云表症而用寒涼之品則寒包於外

熱蘊於中內症而用寒涼之劑則上熱未除而

中寒復起鮮有不敗者矣即使當時見效禍有

不旋踵而至者尋常喉症猶忌寒涼若喉痧則更忌矣吾邑醫士之誤誤於火症必用寒涼者半誤於宋僧喉科原本者半進寒劑以速人死謂非醫殺之乎曷不取諸家之書而三復之

梁溪玉書過鑄識

煎劑

荆防葛根湯

葛根 一錢半 牛蒡子 三錢 桔梗 錢半 荆芥 錢半 枳殼 一錢

白杏仁 去皮尖三錢 生甘草 四分 土貝 三錢 去便溏者勿研 心研



防風 錢半

加浮萍草 三錢

升麻葛根湯 炒點隱隱不透者用之

升麻 五分見點 葛根 錢半 赤芍 錢半 荆芥 錢半 牛蒡

子 三錢 炒研 桔梗 錢半 蟬衣 一錢 櫻桃核 三錢 浮萍草 二

錢 生甘草 四分

託裏舉斑湯

升麻 一錢見點 柴胡 五分 歸身 五分 瀉 赤芍 一錢 蟬

衣 一錢 牛蒡子 三錢 炒研 荆芥 錢半 大貝母 三錢 白芷 八



北京中医药大学图书馆版权所有

分
浮萍草 三錢
西河柳 三錢
甘草 五分

透邪煎
柴歸飲與此相同加柴胡

防風 一錢
荆芥 一錢
升麻 一錢
甘草 五分
蟬衣

牛蒡子 三錢
炒研歸身 二錢
赤芍 錢半

藿香正氣散
茅朮川朴淫重舌白膩者用

蘇葉 二錢
藿梗 二錢
桔梗 一錢
陳皮 一錢
製茅朮 一

厚朴 一錢
蟬衣 一錢
生甘草 五分
牛蒡子 三錢
茯苓

苓 二錢
焦神麴 三錢
半麴 二錢
煨葛根 錢半

吹藥



取土牛膝根葉搗汁曬乾研末一兩加皂角三錢用
研細固藏不可洩氣用時連吹十餘管低頭流去毒
涎再吹再流須耐心流十餘次方效

土牛膝春發秋枯初發時稍有紅色大則葉青
矣葉長而尖對節而生秋閒結子綿綿沾人衣
上拭之不去故名臭花娘草若葉大而形似蝦
蟇者名蠨蛸草非土牛膝也如無汁末以鮮者
打汁一碗加陳酒隨量炖熱飲之或得汗或大
吐即愈此藥為治喉聖藥無論何喉症用之皆
效以其能去風痰喉症
以去風痰為第一義也
元硃丹 喉症始終可用

元明粉 五錢
硼砂 五錢
上硃砂 六分
大梅片 五分
製

蠶五分

共爲細末先吹土牛膝末流去毒涎接吹此藥
須連吹數十管慢慢再將涎痰流盡自能愈矣
吹鼻一字散喉症肺氣無不窒塞取嚏出則不塞矣

猪牙皂 七錢 雄黃 二錢 生礬 藜蘆 各一錢 蝎尾 七

枚

共爲細末吹少許入鼻卽吐毒痰牙皂
一味打爛醋調入喉四五匙亦能吐

治喉四要法

一提炮以洩毒用異功散如蠶葶大放膏藥上貼
患處喉外兩傍一週時起炮挑破擠出黃水倘

紫色或深黃色宜用藥帖於炮之左右仍照前

挑看以出淡黃水爲度再用大蒜頭搗爛如蠶

豇大敷經渠穴大指下手腕處寸口動脈陷中男左女右用蜆

殼蓋上紮住數時起炮挑破指乾以去毒氣

異功散切不可入口治各種喉症及牙痛

斑蝥四錢去翅足糯米炒黃去米不用此米須

與磚石同包沉於大河之底誠恐食之毒人至

囑至囑 血竭 沒藥 乳香 全蝎 元參

各六分 麝香 冰片 各三分



共研細末磁瓶固封

夏日貼兩三時即能起炮不必久貼

一漱喉以去痰用鮮扁柏葉打爛沖入生礬水絞

出汁來不時漱喉毒痰或吐或化可漸消也

紅腫而腐用紫金錠數錢研末沖水漱喉亦效

一刮後頸以散毒於頸窩處搽油少許用錢一文

如刮痧樣往下順刮須千餘刮顯出塊點用磁

片鋒刺破令人以口吮出惡血散毒最爲神效

此治喉症之第一妙法也

一通大便以洩火用巴豆仁

去油

腰黃

鬱金

菜豆粉

甘草節

各一錢

共研末醋糊爲丸如

黍大每服九丸熱湯送下吐利卽鬆若不應再

服九丸如仍不通接用瀉葉一錢煎湯服之

洋藥肆中出售痰涎壅塞者服此丸吐痰卽醒人死而

心口尙熱研末灌之此寶太史救急丹也

脈洪便結

數日者用之

預避喉痧法

一切疫症嗅之可避

凡服侍看視之人最易傳染須日取腰黃末及鷺兒

不食草時時聞嗅可免沾染